

**-SENAT-**

Broj: 01-13-1/20

Sarajevo, 04. 06. 2020. godine

Shodno Odluci Vlade FBiH o proglašenju nesreće uzrokovane pojavom koronavirusa (COVID-19) na području Federacije BiH od 16. 03. 2020. godine, a u vezi sa Odlukom Senata Univerziteta u Sarajevu broj: 01-5-113/20 od 25. 03. 2020. godine, kao i naredbama kriznih štabova ČŽ FBiH i KS, a u vezi sa Izjašnjenjem Ministarstva za obrazovanje, nauku i mlade Kantona Sarajevo broj: 11/05-34-12829-1/20 od 20. 05. 2020. godine, Naredbom Kriznog štaba/stožera Federalnog ministarstva zdravstva broj: 01-33-3223/20 od 29. 05. 2020. godine i Naredbom o izmjeni naredbe broj: 01-3223-1/20 od 31. 05. 2020. godine, Senat Univerziteta u Sarajevu je, na 15. elektronskoj sjednici održanoj 04. 06. 2020. godine, *d o n i o slijedeće*

**ZAKLJUČKE**

1. U svrhu završetka nastave u studijskoj 2019/2020. godini, nastavlja se izvedba u online režimu svih oblika nastave, konsultacija, nadoknada na fakultetima i akademijama Univerziteta u Sarajevu, uz izuzeće vježbi i dijelova nastave koji podrazumijevaju praktični rad studenata (eksperimentalne i kliničke vježbe, kamerno muziciranje, tehničko-tehnološke vježbe, arhivski rad, vježbe iz stručno-umjetničkih predmeta, specifično individualne vježbe, terenske vježbe i stručna praksa). Ispiti se mogu održati u online režimu i/ili u prostorijama organizacione jedinice vodeći računa o propisanoj fizičkoj distanci od najmanje 2 metra između osoba. Također je nužno voditi računa o propisanoj fizičkoj distanci od najmanje 2 metra između osoba i u pristupnim prostorima (holovi, hodnici), kao i sanitarnim čvorovima. Odluku o načinu i modelu održavanja ispita i nastave u učionici donosi vijeće organizacione jedinice i o istom izvještava Univerzitet u Sarajevu.
2. Nastava i ispiti iz tačke 1. ovog Zaključaka održat će se u prostorijama fakulteta, akademija i nastavnih baza u grupama vodeći računa o propisanoj fizičkoj distanci od najmanje 2 metra između osoba.
3. Za predmete čija je nastava u ljetnom semestru studijske 2019/2020. godine realizirana u online režimu, ista se produžava za jednu sedmicu na svim fakultetima/akademijama Univerziteta u Sarajevu. Zadužuju se fakulteti i akademije da u tom periodu organiziraju nadoknade neodržane nastave, dodatne konsultacije i pripreme za ispit u skladu sa takom 1. ovih Zaključaka. Shodno navedenom, završni i popravni junsko-julski ispitni rokovi se pomjeraju za jednu sedmicu. U slučaju nadoknade parcijalnih provjera znanja, nastavnici su dužni osigurati period od najmanje 15 dana između parcijalnih i završnih ispita.
4. Za predmete čija se nastava nije održavala u online režimu fakulteti i akademije su obavezni da istu nadoknade najkasnije do 31. 07. 2020. godine, te da osiguraju održavanje parcijalnih i završnih ispita u skladu sa Zakonom, Statutom i pravilima studiranja, uz poštivanje epidemioloških mjera i uz prethodnu pisanu prijavu svih nadoknada i termina ispita Univerzitetu od strane fakulteta i akademija, sa prijedlozima kako istu planiraju održati (u kojim terminima i sa kolikim grupama studenata).

5. Odobrava se dodatni ispitni termin u junsko-julskom popravnom ispitnom roku.
6. Odbrane završnih radova na svim ciklusima studija, uključujući i radne i finalne verzije doktorskih disertacija, mogu se vršiti online ili u učionici u prisustvu komisije, zapisničara i kandidata koji brani rad, uz poštivanje epidemioloških mjera.
7. Nalaže se fakultetima i akademijama da za studente Univerziteta koji dolaze izvan Kantona Sarajevo i izvan Bosne i Hercegovine, a u smislu prisustva na dijelu nastave i ispita u učionici, u slučaju potrebe omoguće zamjenske oblike kroz online nastavu i sl. uz obavezno javljanje studenata prodekanu za nastavu.
8. Prijemni ispiti će se održati online i/ili u učionici uz prisustvo komisije, zapisničara i kandidata koji polažu prijemni ispit, u grupama vodeći računa o propisanoj fizičkoj distanci od najmanje 2 metra između osoba.
9. Zadužuju se fakulteti i instituti da omoguće pristup laboratorijskoj infrastrukturi za izvođenje praktičnog dijela završnih radova na svim ciklusima studija uz poštivanje propisanih epidemioloških mjera.
10. Svi Zaključci pod rednim brojem 1. do 9. će se uvrstiti u Odluku o izmjeni Akademskog kalendara za studijsku 2019/2020. godinu.

za REKTOR

*Prof. dr. Rifat Škrijelj*



Dostaviti:

- Ministarstvo za obrazovanje, nauku i mlade KS
- Krizni štab CŽ KS
- Služba za pravne poslove
- U dokumentaciju
- a/a